



Tuzla, 09.10.2023.

Br.protokola: KP-I-475/23

Broj poziva: 12-FMJA-1/23

Javni poziv za podršku projektima za razvoj zajednice FOND MENSUR I JASMINA ALIĆ

Fondacija tuzlanske zajednice zajedno sa osnivačima Fonda pod nazivom „Dobrovoljni Fond Mensur i Jasmina Alić“ raspisuje javni poziv za podršku projektima koji će doprinijeti poboljšanju uslova življenja, podstaći na volonterizam i animirati građane da se aktivno uključe u razvoj lokalne zajednice. Sredstva iz ovog Fonda će biti usmjerena na podršku građanskim inicijativama, neprofitnim udruženjima i institucijama koje djeluju na područja Grada Tuzla.

O FONDU MENSUR I JASMINA ALIĆ

Fond su osnovali Mensur i Jasmina Alić u julu 2023. godine, pri Fondaciji tuzlanske zajednice, sa željom da se unaprijede uslovi življenja u mjesnim zajednicama i naseljima u Gradu Tuzla.

Putem ovog fonda Mensur i Jasmina Alić, poduzetnici i filantropi iz Tuzle, vlasnici Mesne industrije Menprom doo Tuzla, žele podržati napore udruženja i aktivnih građana koji svojim volonterskim radom i drugim resursima doprinose razvoju društva i lokalnoj zajednici u kojoj žive.

CILJEVI FONDA

Osnovni cilj Fonda je unapređenje i razvoj aktivnih zajednica na području Grada Tuzla, kroz sufinansiranje projekata i inicijativa aktivnih građanskih grupa i udruženja građana za rješavanje zajedničkih problema, uz maksimalno korištenje svih raspoloživih lokalnih resursa i promociju suradnje između javnog, civilnog i poslovnog sektora.

Raspoloživa sredstva u Fondu

Ukupna finansijska vrijednost izdvojena za podršku projektima u ovom javnom pozivu iznosi 28.500,00 KM.

KO MOŽE APLICIRATI?

- nezavisne organizacije i udruženja sa područja Grada Tuzla;
- nezavisne javne institucije sa područja Grada Tuzla (biblioteke, obdaništa, škole itd);
- neformalne grupe građana od najmanje 3 punoljetna člana sa područja Grada Tuzla;

ROK ZA PRIJAVU

Poziv za prijem aplikacija otvoren je od 09. oktobra do 29. oktobra 2023. godine.



ŠTA PODRŽAVAMO?

- Inovativne projekte iz različitih oblasti života koji odgovaraju na potrebe lokalne zajednice i kojim se direktno unapređuju uslovi življenja u Gradu Tuzla.
- Projekte koji promovišu građanski aktivizam i volonterizam i zasnovani su na volonterskom angažmanu aplikantata i promociji međusektoralne saradnje;
- **Prednost će se dati projektima koji uključuju veći broj građana iz lokalne zajednice u realizaciju projekta;**
- Projekte koji su usmjereni na rješavanje konkretnog i prioritetnog problema u lokalnoj zajednici ili zadovoljenje određene potrebe u zajednici;
- **Projekte koji pokažu vidljivu saradnju i podršku lokalnih partnera u zajednici. Poželjno je da aplikanti dostave potvrdu o saradnji sa drugim partnerima;**
- Podržavamo projekte koji traju od 1 mjesec do maksimalno 9 mjeseci;
- Vrijednost podrške po jednom projektu kreće se od 1.000,00 KM do 5.000,00 KM;
- **Podržavamo projekte u kojima učešće aplikantata iznosi najmanje 50% od potraživanog iznosa.**
- Aplikanti mogu aplicirati samo sa jednim projektom na ovaj poziv;
(više u Kriterijima Fonda „Mensur i Jasmina Alić“ na www.fondacijatz.org).

KAKVE PROJEKTE PODRŽAVAMO?

U okviru ovog poziva, želimo podržati projekte koji potiču lokalna partnerstva i koji će unaprijediti slijedeće oblasti življenja:

- OČUVANJE PRIRODE, BRIGA O OKOLIŠU I KLIMI;
- OČUVANJE ZDRAVLJA, SPORT I REKREACIJA;
- KULTURA, UMJETNOST I DRUŠTVENI ŽIVOT.

U dokumentu Kriteriji Fonda „Mensur i Jasmina Alić“ možete pogledati detaljne informacije o pozivu i oblastima koje možemo podržati.

2

KAKO APLICIRATI?

Aplicirati možete isključivo putem [platforme za online apliciranje](#). Prije popunjavanja prijave, aplikantima se preporučuje korištenje [Uputa za popunjavanje online aplikacije](#).

Nakon što online aplikacija bude prihvaćena aplikant će dobiti potvrdu o prijemu na mail. Nakon uvida u projektnu aplikaciju od strane grant tima, aplikant će putem e-maila dobiti potvrdu prijema (pdf dokument ispunjene aplikacije), koju je dužan u roku od 7 dana dostaviti, potpisanu i ovjerenu u dva štampana primjerka, na adresu Fondacije: Sead Bega Kulovića br 4, 75000 Tuzla (lično ili poštom).

Ukoliko vam je potrebna podrška pri ispunjavanju online aplikacije možete se obratiti direktno u kancelariju Fondacije tuzlanske zajednice, na broj telefona 035/368-387 kontakt osoba ispred Fondacije je Andrijana Čajić ili putem e-mail-a: inicijative@fondacijatz.org sa naznakom „**Fond Mensur i Jasmina Alić - JAVNI POZIV 12- FMJA – 1/2023**“

Od formalno registrovanih organizacija se traži da pored ispunjene aplikacione forme (putem online modula), dostave i sljedeću dodatnu dokumentaciju i to:

- rješenje o registraciji – samo za aplikante koji prvi puta apliciraju Fondaciji (kopija),
- statut Udruženja – samo za aplikante koji prvi puta apliciraju Fondaciji (kopija),
- finansijski izvještaj za prethodnu godinu (bilans stanja i bilans uspjeha-kopija),
- dokaz o otvorenom žiro računu u banci (kopija), i
- izjavu o partnerstvu, ako se radi o partnerskim projektima.



Finansijska podrška projektima neće biti dodijeljena projektima koji su nepotpuni, kao ni onima koji pristignu nakon navedenog roka ili ne budu dostavljeni na prethodno navedeni način, kao i onima koji dostave prijave na neodgovarajućim obrascima.

USLOVI ZA DODJELU FINANSIJSKE PODRŠKE

Aplikanti su dužni omogućiti grant timu Fondacije da, prije dodjele granta, izvrši procjenu rada i poslovanja organizacije u prethodnom periodu. Ovakva procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga. Samo organizacije koje zadovolje proces ove procjene mogu dobiti novčanu podršku.

Neformalne grupe koje dobiju podršku za svoj projekat, će realizovati aktivnosti tako što će sva plaćanja za troškove nastale u toku trajanja projekta plaćati direktno Fondacija, a dužnost neformalne grupe je da pripremi predračune i račune te iste dostavi Fondaciji.

Po finalnom odabiru projekata i objavljivanju rezultata na web stranici Fondacije, bit će otvoren rok za žalbe u trajanju od 7 radnih dana. Pravo na žalbu imaju svi aplikanti koji nisu zadovoljni svojom pozicijom na rang listi odobrenih grantova. Žalba će biti riješena u kratkom roku od strane menadžmenta Fondacije.

Preporuka svim aplikantima je da pročitaju detaljne informacije i upute za popunjavanje online aplikacije i kriterije koji se nalaze na web stranici Fondacije (www.fondacijatz.org).



Azra Isanović

Azra Isanović
koordinatorka programa finansijske podrške
Fondacije tuzlanske zajednice